



Broj predmeta: 13-002127/20
Broj akta: 01.1-1413EK-0064/21
Datum, 22.4.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. Zakona o javnim nabavkama («Službeni glasnik BiH», broj 39/14), Zapisnika o izmjeni Zapisnika o pregledu i ocjeni ponuda sa preporukom komisije za javne nabavke broj: 13-002127/20 od 15.3.2021. godine i Mišljenja Pravobranilaštva Brčko distrikta BiH broj:M-80/21 od 22.4.2021. godine, gradonačelnik Brčko distrikta BiH d o n o s i

ODLUKU O IZMJENI I DOPUNI ODLUKE O IZBORU
NAJPOVOLJNIJIH PONUĐAČA

BROJ:13-002127/20, BROJ AKTA:01.1-1413EK-0039/21 OD 3.2.2021. GODINE

Član 1.

(1) U čl. 1. Odluke o izboru najpovoljnijih ponuđača po provedenom otvorenom postupku za nabavku radova izgradnje hidrograđevinskih objekata na području Brčko distrikta BiH – 4 lota za potrebe Odjeljenja za poljoprivredu, šumarstvo i vodoprivredu Vlade Brčko distrikta BiH, stav (1), koji se odnosi na dodjelu ugovora najpovoljnijem ponuđaču „Papilon“ d.o.o. Čelić, tekst za Lot 3 se briše u cjelosti i dodaje se novi tekst:

„Naziv najpovoljnijeg ponuđača za Lot 3 je **GRUPA PONUĐAČA „ITINERA S“ d.o.o. Brčko i „AGRO PEJIN“ d.o.o. Brčko.**

Lot 3 - Regulacija potoka Blizna – I faza - nastavak radova (ukrštanje
kanalizacije sa potokom Blizna)

Vrijednost ugovora sa uračunatim PDV-om iznosi

173.511,00 KM.“

Član 2.

Ova odluka o izmjeni i dopuni odluke stupa na snagu danom donošenja.

Obrazloženje

U provedenom postupku nabavke je donesena odluka o izboru najpovoljnijih ponuđača koja je bila predmet žalbe na osnovu uložene žalbe ponuđača Grupa ponuđača „Itinera S“ d.o.o. Brčko i „Agro Pejin“ d.o.o. Brčko. Komisija za žalbe je razmotrila žalbu i donijela odluku o djelimičnom usvajanju žalbe i vratila žalbu da se izvrši ponovna analiza dostavljenih ponuda. Komisija za nabavke je izvršila analizu dostavljene ponude ponuđača „Papilon“ d.o.o. Čelić i to dostavljenih dokaza za građevinske mašine (upotrebne dozvole i saobraćajne dozvole) i potvrdila da je ponuđač „Papilon“

d.o.o. Brčko dostavio ovjerenu kopiju upotrebne dozvole za kombinovanu građevinsku mašinu JCB, broj: 198/I-18 od 16.1.2018. godine na strani 63 i identičnu kopiju upotrebne dozvole za kombinovanu građevinsku mašinu JCB, broj: 198/I -18 od 16.1.2018. godine na strani 64. Ponuđač je odlukom o izboru najpovoljnijih ponuđača izabran kao najpovoljniji ponuđač za lotove 3 i 4, te je trebao dostaviti dokaze o tome da ima na raspolaganju dvije kombinovane građevinske mašine JCB, što je u skladu sa 3.4.1 pod c) tenderske dokumentacije. Utvrđeno je da ponuđač nije dokazao da ima na raspolaganju dvije kombinovane građevinske mašine JCB kako je traženo tačkom 3.4.1. tenderske dokumentacije. Komisija za nabavke je dostavila preporuku da se ponuđaču „Papilon“ d.o.o. Brčko dodijeli ugovor za lot 4 za koji ispunjava uslove koje se odnose na zahtijevane građevinske mašine (mehanizaciju) a da se lot 3 dodijeli drugorangiranom ponuđaču u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za poljoprivredu, šumarstvo i vodoprivredu
3. Gradonačelniku,
4. Zamjeniku gradonačelnika,
5. Ponuđačima,
6. „Službeni glasnik BD Brčko distrikta BiH“
7. Arhivi.

